

AUGLÝSING

um endurgreiðslu sölugjalds af vogum til notkunar í fiskiðnaði og rafeindabúnaði í fiskflokkunarvélar.

1. gr.

Sölugjald, sem innheimt hefur verið eftir 31. maí 1981 við sölu á vogum í tnr. 84.20.10 til notkunar í fiskiðnaði svo og rafeindatækjum í tnr. 90.28.39, sem tengdar eru fiskflokkunarvélum til mælinga eða flokkunar fisks, skal endurgreitt eftir á enda sæki endanlegur kaupandi vörunnar um endurgreiðslu til viðkomandi innheimtumanns ríkissjóðs (sýslumanns eða bæjarfógeta, í Reykjavík tollstjóra) að uppfylltum skilyrðum 2. gr.

2. gr.

Umsókn um endurgreiðslu skal borin fram í þrírítí á sérstöku eyðublaði, sem fjármálaráðuneytið lætur gera í þessu skyni. Skal umsókn fylgja frumrit og eitt afrit af reikningi yfir hina keyptu vöru, sem auk þess að tilgreina tollskrárnúmer viðkomandi vöru heri greinilega með sér að sölugjald hafi verið greitt. Sé um vöru að ræða, sem sölugjald hefur verið greitt af við tollafgreiðslu hennar, skal við sölu jafnframt tilgreina tollafgreiðslunúmer viðkomandi vörusendingar. Umsókn skal m. a. tilgreina eftirfarandi:

- a) Tollskrárnúmer vörunnar og vörulýsingu.
- b) Kaupverð vörunnar og fjárhæð greidds sölugjalds.
- c) Fjárhæð umbeðinnar endurgreiðslu.
- d) Yfirlýsingu umsækjanda um að varan sé æfluð til eigin nota við framleiðslu fiskafurða.

3. gr.

Umsókn um endurgreiðslu samkvæmt 1. gr. skal hafa borist viðkomandi innheimtumanni innan 6 mánaða frá sölu til þess aðila er sækir um endurgreiðslu og nema minnst 1 000 nýkr. til þess að vera endurgreiðsluhæf. Heimilt er að leggja saman reikninga til þess að lágmarksfjárhæð náist.

Endurgreiðsla kemur því aðeins til greina að allar upplýsingar séu skilmerkilega færðar og umsókn undirrituð af umsækjanda.

4. gr.

Viðkomandi innheimtumaður skal við endurgreiðslu gjalda halda eftir kvittuðu frumriti umsóknar um endurgreiðslu, sem gefið skal afgreiðslunúmer í hlaupandi númeraröð miðað við almanaksár, ásamt afriti reiknings. Skjöl þessi skulu send ríkisbókhaldi með mánaðarskilagrein. Fyrsta afrit umsóknar skal senda skattstofu í því umdæmi þar sem umsækjandi hefur aðsetur, en annað afrit umsóknar ásamt frumriti reiknings með áritun um endurgreiðslu skal afhenda viðkomandi umsækjanda.

Aðili, sem fær endurgreiðslu samkvæmt ákvæðum auglýsingar þessarar, skal tilgreina endurgreidd gjöld sérstaklega, annað hvort í ársreikningi sem fylgir skattframtali eða í skýringum með honum, en þar skal greina undir hvaða lið ársreiknings endurgreiðslan er færð svo og fjárhæð hennar.

5. gr.

Reglum þessum getur fjármálaráðuneytið breytt án fyrirvara.

Fjármálaráðuneytið sker úr ágreiningi, sem rísa kann um framkvæmd og túlkun ákvæða auglýsingar þessarar.

6. gr.

Röng skýrslugjöf eða framlagning rangra eða villandi gagna og röng upplýsingagjöf látin í té í því skyni að fá endurgreitt sölugjald samkvæmt ákvæðum auglýsingar þessarar svo og misnotkun ívilnunar sem veitt hefur verið samkvæmt ákvæðum auglýsingar þessarar getur m. a. varðað við 21. gr. laga nr. 10/1960 um söluskatt með áorðnum breytingum.

Um meðferð mála vegna brota á reglum þessum fer að hætti opinberra mála.

7. gr.

Auglýsing þessi, sem birt er skv. heimild í l. nr. 10/1960 um söluskatt með áorðnum breytingum sbr. l. nr. 41/1981, öðlast gildi þegar í stað.

Fjármálaráðuneytið, 14. september 1981.

Ragnar Arnalds.

Höskuldur Jónsson.

11. september 1981.

Nr. 494.

GJALDSKRÁ

fyrir leiðsögn skipa við Ísland.

1. gr.

Gjald fyrir leiðsögn skips er miðuð við brúttórúmllestastærð þess, og þá vegalengd, sem það siglir, samkvæmt meðfylgjandi töflu.

Fyrir hverja sjómílu, eða brot úr sjómílu, allt að 10 sjómílu að og frá höfn eða stað, þar sem skipið hefur viðkomu, skal leiðsögumanni greitt samkvæmt meðfylgjandi töflu:

Fyrir skip allt að 500 br. rúml.	kr. 44,00
Fyrir skip frá 500— 1 000 br. rúml.	— 46,00
Fyrir skip frá 1 000— 1 500 br. rúml.	— 48,00
Fyrir skil frá 1 500— 2 000 br. rúml.	— 50,00
Fyrir skip frá 2 000— 3 000 br. rúml.	— 53,00
Fyrir skip frá 3 000— 4 000 br. rúml.	— 56,00
Fyrir skip frá 4 000— 5 000 br. rúml.	— 60,00
Fyrir skip frá 5 000—10 000 br. rúml.	— 65,00
Fyrir skip frá 10 000—15 000 br. rúml.	— 72,00
Fyrir skip frá 15 000—20 000 br. rúml.	— 78,00
Fyrir skip frá 20 000—30 000 br. rúml.	— 84,00
Fyrir skip frá 30 000 og þar yfir	— 88,00

Greiðsla fyrir sjómílu eða brot úr sjómílu fram yfir áðurnefndar 10 sjómílu skal vera:

Fyrir skip allt að 500 br. rúml.	kr. 10,00
Fyrir skip frá 500— 5 000 br. rúml.	— 12,00
Fyrir skip frá 5 000—10 000 br. rúml.	— 14,00
Fyrir skip frá 10 000 og þar yfir	— 16,00

Minnsta leiðsögugjald skal vera kr. 400,00.

Leggi leiðsögumaður skipi að bryggju eða frá, komi því fyrir eða losi það úr festum (mooring), skal hann fá fyrir það kr. 110,00 fyrir skip allt að 500 br. rúml., og kr. 10,00 fyrir hverjar 100 br.rúmllestir skipsins þar yfir.